

# 王九峯醫案精華

上海秦伯未編纂

## 口時邪

風溫不可發汗。而亦宜微汗。否則邪從何出。大抵風溫之邪從上有風溫從陽溫化熱。上焦近肺。肺先受邪。肺爲嬌臟。兩陽薰灼。津液受劫。古方有萎蕤湯。以玉竹之甘潤滋柔之品。以保胃液。俗醫輒投羌活柴葛。以發汗劫津。失其旨矣。當與辛涼輕劑。清解爲先。議梔豉合涼膈方法。

黑棗 豆豉 萎皮 薄荷 連翹 黃芩 象貝母 杏仁 橘紅 桑葉 梨

肝腎陰虧。中虛濕痰不化。左肋痞硬年餘。前日觸不正之邪。寒熱疊作。旋卽自汗肢冷。前師投以參附。汗止陽回。詎知邪乘虛陷於陽明。與濁痰交併。胃中內熱神識明寐不清。洩赤便閉。胸痞舌苔灰黑。四肢指節蠕動。陰傷熱熾。風木鶻張。慮其轉入心胞。有神昏瘡厥之變。議用苦降辛開。兼育陰以回護心胞。

速退乃佳。當延高明酌裁。

黃連 乾薑 半夏 黃芩 鐘金 北沙參 麥冬 蕤仁 青皮 枳實 竹茹

又 昨用苦降合清營之法。內熱稍緩。苔亦較化。脈亦較和。惟脘痞格拒。腑氣不通。日哺熱甚。陽明之滯未下。火邪劫爍陽津。慮陰液消亡。發爲陷症。議甘寒泄熱。佐和中潤下治之。

北沙參 麥冬 鐘金 青皮 蕤皮 半夏 丹皮 川貝 茯苓 鮮石斛 海蟄 白芍

染時邪初診。神迷不能語。牙關緊閉。發熱面紅。口甜痰沫粘膩。小溲自遺。四肢不舉。脈浮洪。舌苔滑膩。據述在軍前甫回。旋即寒熱。復食生冷。竊思病情。始因驚恐。復感秋邪。痰熱蒙閉。先用至寶丹石菖蒲竹油汁湯。一時許。神即清爽。再用煎方。

葛根 川貝 連翹 瓜蔞 丹參 枳殼 半夏 玉竹 竹瀝 菖蒲

病後復勞感邪。虛邪襲入。始發寒熱。今則寒去而熱蒸。蘊於脾肺兩經。

舌苔白厚有汗而熱不淸。瀉赤似痛。脈數而濡。腠理空疏。是以多汗。陰虛夾痰。  
蘊戀於絡。議景岳服蠻煎。加竹葉石膏湯主之。

生地 橘白 木通 半夏 知母 丹皮 麥冬 淚瀉 茯苓 石膏 蕙皮 蕙薺 竹葉

秋邪伏熱月餘不解。汗淋之後。熱退不清。口乾舌燥。渴不欲飲。不思飲食。  
伏邪傷陰耗氣。少陽陽明不和。所服之方俱在理路。顯然邪陷於陰。不能外達。  
擬黑逍遙散加減。

柴胡 青蒿 生地 當歸 丹皮 甘草 淚瀉 山藥 茯苓 陳皮 穀芽

斑疹隱隱發而未透。喉疼手足麻。頭身皆痛而喘。脈伏邪閉。肺胃多病。防  
成呃喘之患。所服之方頗爲合理。仍依原法治之。

升麻 羌活 防風 葛根 甘草 桔梗 大力子 蟬衣 茅朮 筍尖 菴安 陳皮

疫邪兩候。陰分已虛。熱糊不清。口渴多飲。舌黑底絳。譖語不甯。痰咯不爽。  
脈象弦滑。伏邪化熱。熱鬱不達。傷陰損精。正虛邪實。暫擬養陰化痰。兼開太陰。  
平陽。

鮮地 羚羊 赤芍 丹皮 赤苓 知母 黃芩 元參 半夏 車前 地栗 陳米

■ 霍亂

細推此病大旨。熱在胃脘。寒在丹田。寒熱交爭。上下格拒。且吐必傷胃。胃傷則口渴引飲。瀉必傷脾。脾傷則肌肉頓消。土衰木必乘之。肝屬木而主筋。此轉筋之所由來也。先於兩腿灣委中穴刺出惡血。再進來復丹錢半。轉其陰陽。不使清濁混淆。然後議服煎方。寒熱並用。補中和中。所慮脈虛症險。慎防汗脫亡陽。盡人力以挽回。勉方候酌。

姜汁炒黃連 白朮 半夏 乾姜 厚朴 茯苓 吳萸 杏仁 陳皮 木香 灶心土  
陰陽水煎

■ 咳嗽

肺主咳屬金。金空則鳴。金實則嘔。金破則嘶。素本煩勞過。或肺虛招風氣

機不展。音聲不揚。已延一載。上損於下。防成肺痿。

孩兒參 杏仁 牛蒡 茯苓 炙草 半夏 陳皮 桔梗 蘇梗

素有痼疾。不受溫補。肺爲嬌臟。不耐邪侵。去秋瘧後。中傷濕痰。上僭餘風未楚。乘虛犯肺。痰嗽不舒。日以益甚。冬末齒痛。虛火上升。肺金益損。入春以來。脅肋隱痛。面色戴陽。顯係腎虛子盜母氣。非其所宜。

生地 白芍 杏仁 桃仁 蘇梗 茯苓 麥冬 桑皮

實火宜瀉。虛火宜補。風火宜清宜散。鬱火宜開宜發。格陽之火。宜衰之以屬。所謂同氣相求也。水虧於下。火越於上。厥陰繞咽。少陰循喉。久咳音嘎喉痛。口乾不欲飲冷。脈豁按之不鼓。格陽形症已著。清火清熱。取一時之快藥入則減。藥過依然。所謂揚湯止沸。終歸不濟。導龍入海。引火歸源。前哲良謀無效者。鄙見淺陋也。小徒暫清肺氣之法。尙屬平穩可服。再擬金匱腎氣竭其所思。未知當否。多酌明哲。

金匱腎氣丸

久咳聲啞。每咳痰涎盈碗。食減神羸。苔白厚脈雙弦。中虛積飲。土敗金傷。  
水濕浸淫。瀆之於肺。傳之於脾。注之於腎。三焦不治。殊屬不宜。

真武湯

又連服真武。雖效亦非常法。第三焦不治。肺腎俱傷。當宗經旨治病。必求其本。從乎中治。崇土既能抑木。亦可生金。脾爲生化之源。輔脾卽能補腎。爰以歸脾六君加減。徐徐調治。

歸脾六君湯

脈來細數兼弦。症本臟陰營液俱虧。木擊金鳴。下損於上。精血脂膏不歸生化。悉變爲痰。咳嗽痰多。喉疼音嚦。乍寒乍熱。自汗盜汗。氣促似喘。腹鳴便泄。二氣不相接續。藩籬不固。轉瞬春通陽升。有痰湧喘汗暴脫之虞。從陰引陽。從陽引陰。質諸高明。

六味地黃湯加 鹿角霜 五味 桃肉

症緣秋燥傷肺。痰嗽不舒。繼又失血。入春以來。痰嗽益甚。偏促似喘。內熱便瀉。形神日羸。飲食日少。腎損於下。肺損於上。上損從陽。下損從陰。上下交損。從乎中治。脈來細數無神。虛勞之勢已著。謹防喉痛音啞。吐食大汗。

異功散去茯苓加生姜 山藥 冬蟲草

清上則肺不畏火之炎。實下則腎有生水之漸。腎水乘制五火。肺金運行諸氣。金水相生。喉之腫痛全消。胸中逆氣已解。飲食亦進。夜來安寐。惟平明咳嗽猶甚。脈仍微數。肺胃傷而未復。仍求其本。

六味地黃湯加麥冬 桔梗 孩兒參 蘆根

脈滑而數。風傷肺。痰鬱肺胃。夏令脈洪數。前月初診。脈沉滑而數。沉者陰也。滑者陽也。痰也。數者火也。邪伏化熱生痰。所以用蘇杏甘桔開提。葛夏理肺胃。不治咳嗽而咳嗽自解。不治痰而痰自出。用羅菊汁以調肺。展其氣化。清肅

漸行咳嗽少緩矣。

蘇梗 桔梗 杏仁 甘草 牛蒡 前胡 梨汁

言乃心之聲。賴肺金以宣揚。肺如懸鐘。配胸中爲五臟之華蓋。空則鳴。實則咳。破則啞。肺爲仰臟。出而不納。二十四節按二十四氣。最嬌之臟。不耐邪侵。毫毛必咳。肺主氣爲水之上源。受邪入絡。必順歸腎。爲痿爲咳爲啞。凡如此者。人不知。總之曰爲癆症。六淫之邪不去。皆可成癆病。延今載餘。聲音不出。金已破矣。病者不知。醫須揣其情本。以木火通明。經以營出中。焦資生於胃下。益腎水來濟五火。火不灼金。金不泄氣。燥不耗水爲妙。今日喉痛已止。咳減痰少。喉聲稍開。從原方加減候酌。

孩兒參 粉甘草 山藥 馬兜鈴 牛蒡元米炒 茯苓 桔梗 蘇梗 沙參 杏仁 猪膚

花粉 雞子清 瓜子殼 霽乾菜

又 痘原已載前方。疊次聲明。不須再贅。金水難調之侯。全在靜養功夫。天命

爲重。非人力所爲。叨屬親誼。敢不盡言。病由外感內傷。必由中而外達。鬱久不達。非升麻不可。病將一載。聲音不出。邪不出也。擬用補中益氣加減候酌。

補中益氣湯去薑加山藥 陳乾菜

腎主納氣。肺主出氣。咳爲肺病。喘爲腎病。皆緣先天薄弱。後天生氣不振。母令子虛。金水兩傷。肝臟陰虛陽僭。是以嗆咳咽痛。動勞則喘。擬金水六君煎加減。

生地 半夏 沙苑 洋參 麥冬 紫苑 陳皮

素有咳嗽。冬令卽發。自季秋咳嗽。延今不已。動勞氣逆。痰不易出。上熱下寒。兼食洋烟。胃陰消爍。下耗腎水。引動肝木。氣有上而無下。故上熱下寒。腎虛則喘。肺虛則咳。氣耗陰傷。故痰不爽。議養陰肅肺。兼柔肝納腎之治。

沙苑 麥冬 牛膝 毛燕 橘紅 川貝 桑皮 紫苑 夜合花 蛤粉 柏杞葉

肺主氣爲水之上源。膀胱爲津液之府。氣化乃能出焉。久咳肺虛。清肅之

令不降。日中洩短。臥則清長。夫人臥則氣歸於腎。腎司二便故也。議培土生金。兼滋腎水。俾天氣得以下降。而陰濁自化矣。

北沙參 百合 料豆 杏仁 山藥 茯苓 女貞子 枇杷葉 橘紅 車前子 沙苑  
蓮子 夜合花

先天薄弱。水不養肝。肝火易動。心相不寧。三陰內虧。火沖血上下有痔漏。  
常多夢泄。失血後乾噙作嗽。喉痛聲啞之患。草木之功不能補。有情之精血必  
得撤去。塵情如鐵石。靜攝天眞。精血復得下。病可減去三分。此機宜從。否則有  
仙丹亦屬無濟。擬丸代煎。徐徐調治。

河車 北沙參 川貝 白芨 鰻魚 懷藥 燕根 茯神 牡蠣 蛤粉 茄實 老尿壺一

具以長流水浸三日夜去臊味。將牡蠣鰻魚投入壺內。童便灌滿。以黃泥封固。以文火燒一日夜。次  
日取出。餽魚骨用麻油炙研。再入羣藥和勻。搗作餅晒乾。烘脆研細末。化儀膠作丸。和服無儀膠。卽

用玉竹膠

口血證

經曰。中焦受氣取汁。變化而赤。謂之血。出於中焦。而主於心。故五臟各有守經之血。而六腑則無矣。其散於脈內者。隨衝任二經。遍行經絡。散在脈外者。充溢於肌腠皮毛之間。凡吐血衄血。牙齦齒縫出血。散在經絡之血。湧而上決者也。近人謂巨口失紅。及牙齦齒縫出血者。爲胃血。此說誤人不淺。蓋胃爲外腑職司。出納爲水穀蓄洩之區。其中並無一點一絲之血。夾雜內中。卽牙宣出血一症。亦不過胃熱熾甚。肉不附骨。故血熱而上湧。其牙不宣而血者。乃陰竭於下。陽亢於上。龍雷之火。衝激胃絡。錢氏所謂骨漏是也。恙起於一月之前。齒縫出血。牙並不宣。多則血流盈盞。晝夜十餘作發。時面赤目赤。煩擾不安。近雖小愈。而漏不已。脈本六陽。刻下見症在胃。而所以致病實由肝腎。急宜珍珠母丸。合玉女煎加減。俾龍得下潛。然後陽明方有甯宇。

珍珠母 石膏 麥冬 洋參 犀角 花粉 龜版 石斛 龍齒 丹皮 白芍 菊花

藕汁 珍珠母丸

足陽明脈起於鼻。挾口環唇。蓋鼻屬脾土。鼻孔屬肺金。而胃統之。產後口鼻起黑色而衄。乃瘀血入肺。肺絕胃敗之候也。急擬二味參蘇加附子治之。

黨參 蘇木 附片

口瘡 疾

舌苔邊赤心黃。邪陷於裏。化熱動痰。致令熱甚譫語。煩渴不安。脈來細弱。心經瘡也。若投表散劫津而症厥至矣。

犀角 元參 銀花 連翹 麥冬辰砂拌 竹葉

產後血絡空虛。腠理不密。易於感受。暑邪必須從肺而入。繼傳營衛而發寒熱。間日而作。嘔喘胸痞。口渴少飲。皆暑熱傷胃。劫津耗氣也。此虛人夾雜時邪。只宜和解。不可發散膩補。

蘇梗 玉金 花粉 黃芩 杏仁 川貝 丹皮 橘紅

產後陰虛。瘧疾。鼻燥。喉燥舌乾。脫痞不通。乃陽明津不上供於肺。肺少津液以濟大腸也。仲景云。陰氣先傷。陽氣獨發。故不寒但熱。後人以飲食消息。取義甘寒。倣此爲法。

西潞黨 麥冬 杏仁 知母 烏梅肉

瘧延數月。脾腎已傷。兼之抑鬱。肝木上升。胸中氣逆。咽喉不舒。脈來弦滑。按似帶數。正氣久衰。大便燥結。邪熱內熾。日漸燥津。陽明失其傳送之職。宜以逍遙加健脾潤腸。

柴胡 紮甲 魁版 蕤利 當歸 桂枝 蘿子 大麻仁 白芍 白朮 陳皮 香附

佛手 薤仁

久瘧愈而復發。脾腎交傷。濕邪逗留中焦。遂致遍體作浮。指按成窩。脈寸濶。關尺軟。正氣久傷。防水鼓之危。姑議淡滲以利濕邪。扶正固本佐之。

首烏 白朮 青陳皮 黨參 白蔻 茯苓 茅朮 柴胡 桂枝 紮甲 蕤藜 姜炭

口濕熱

腎司五液。入心則汗。汗爲心液。血主濡之。氣主煦之。汗多氣虛。心煩火升。思慮太甚。脾虛濕拒。因濕鬱化熱。濕熱之爲病。非是一端。入肺則喘。乘脾則腫。傷陰則痞。患便血。傷陽則肢重。多汗。脈來滑疾。按之不靜。濕熱內鬱。是其明徵。斯時當以濕熱爲主。其肝腎之藥。暫從緩投。俾清升濁降。濕熱下行。再進乙癸之法。

冬朮 茯苓 陳皮 甘草 石斛 澤瀉 黃柏 橘絡 絲瓜絡

脾主四肢。肺生氣。肝主筋。腎主骨。陽明主肌肉。胸之大絡屬於太陰。思爲脾志。實本於心。所謂肝虛生風。脾虛生濕。血虛生熱。氣虛生火。况胸胃不開。絡脈不和。時令當暑。濕熱交淫。熱迫於中。氣虛易盛。陰虛觸熱。必生異端。地黃乃補陰之良劑。人參乃益氣之良方。奈胸胃不開。熟地滋膩生濕。所以暫停擬崇土滲濕。養胃生陰。和陽明以通經絡。導濕熱於膀胱。氣化有權。濕行痰運。必先

歲氣毋伐天和。然乎否乎。

人參 於朮 木瓜酒炒 炙草 茯神 當歸 狗脊 老鴉屯 陳皮  
車前子

口 黃 痘

黃爲土色。脾爲土臟。脾爲濕熱薰蒸。則中央正氣發越於外。脾虛不能統血。肺與大腸相表裏。火甚灼金。逐血妄行。血去陰傷。宗氣上浮。虛里穴動。疾因血得濕熱內損。腹中膩脹。血不歸經。脾失統攝之司。黃如草木。此非黃家正色。因乃中土久虧。無以奉秋收之令。脈來滑數無神。當從蓄血發黃論治。

熟地 茯苓 澤瀉 車前子 歸身 荆芥 地榆 枯芩 烏梅 川斷 冬朮 蜜丸

口 痰 飲

痰飲之作。必由元氣虧乏。及陰盛陽衰而起。以致津液凝滯。不能輸布。留於胸中。水之清者。悉變爲濁。水積陰卽爲飲。飲凝陽則爲痰。若果真元充足。胃強脾健。則飲食不失其度。運行不停其機。何痰之有。金匱曰。外飲治脾。內飲治腎。臨症權變。痰飲怔忡。欠寐嘔吐。膠痰色紅。投溫胆法。雖能安寐。而膠痰不盡。或欠寐心煩。後加黑山枝服一劑。煩定寐安。去山枝。惟氣逆作吐。改服旋覆代赭湯。兩劑氣逆已減。而痰仍未盡。仍用二味加白芥子海浮石三劑。膠痰已清。飲食不多。改用理脾法。

二陳湯加 山藥 沙參 歸身 蔡殼

衝任並損。脾腎雙虧。壯年產育過多。精血不足。營養心脾。心脈循胸出肋。脾虛不能爲胃行其津液。凝滯成痰。隨氣流行。乘虛而進。先犯心脾之絡。是以胃脘當心而痛。橫侵脇肋。攻衝背膂。膨悶有聲。時作時止。乃痰飲之徵。夫氣血猶泉流也。盛則流暢。暢則宣通。少則凝滯。滯則不通。不通則痛。無急暴之勢。惟

連綿不已。虛痛用藥大旨。培補脾胃。以資衝任精血之本。宣通脈絡。以治痰飲之標。擬丹溪白螺丸合景岳大營煎加減。

熟地 當歸 白螺 半夏 枸杞子 没藥 茯苓 於朮 胆星 草寇 陳皮 五靈脂  
水爲丸

又 大營煎之養血。白螺丸之祛痰。營血漸生。宿痰漸化。脈絡通調。痛何由生。精血充滿。痰無以生。痛已年餘。近時又復作。此精血未能充足。痰飲猶存。蔽障經中。氣爲之阻。自述病時小便如淋。乃痰隔中州。升降失司。擬養陰絡。古之成法。藥機合宜。原方增損。

熟地 洋參 草果 益智仁 陳皮 甘草 當歸 姜黃 半夏 元胡 白螺壳 山枝

姜棗

胃之大絡。名曰虛里。宗氣跳躍。臺灣有年。肺腎交傷。氣促似喘。常吐清痰。氣虛夾飲。發則喉疼。肝陽擾動心火。水虧不能制陽。五臟諸飲。大旨溫腎調脾。